

't Greune monster

Ik zij zo gear 'n liedje schrieve
oaver 'n monster dat ik ken
ik zij 't met mien wurd wille verdrieue
ik zij 't slachte met mien pen

want woar ik nooit mei zal liere leave
is dat dat monster altied van meeij wint
als ik mien hart an iemand wil goan geave
't gevecht vanzelf wir begint

als geeij meeij vertelt oaver die andere
allein 'n woord, 'n zin, hoe leuk 't waas
ik kan d'r echt niks an verandere
dan is dat biest heer binne wir d'n baas

't kiekt meeij aan en goeit gemeine vlamme
greune kop op ziene slangennek
't wil meeij met zien sluipend gif verlamme
en 't kwijlt oet ziene valse bek

zien tong is scherp, zien oege zien gesplete
als 'n mes dat blinkt vurdat 't stukt
als 'n gewear net vurdat 't giet schete
't moment dat alles in meeij brukt

mar ik lach 'm oet en schrieuw
todat 'ie wankelt en 'ie velt
ik griep 'm vast en break zien botte
tot 'ie oetgeteld vur meeij op de grond
zienne ware aard lut zeen

achterdochtig schepsel
schrompelt langzaam in
en 't zal nar boete kroepe
ik wil 't van mien leave nooit mier zeen

ik zal neet drinke op mien oaverwinning
ik trek meeij oet, drei an de werme kraan
ik spuil meeij af met stroale van bezinning
en met ow hiel dicht teage meeij aan

[Tekst en muziek: Jack Poels] [cd 'Rodus & Lucius', RHAM, 2006]